

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-05-1354/17- 5

Datum: 29.08.2017. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-1354/17-4 od 29.08.2017. godine u postupku javne nabavke radova „Sanacija deformacije prouzrokovane klizištem na cesti za Gornje Pribitkoviće“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-1354/17-4 od 29.08. 2017. godine i Ugovor za javnu nabavku radova „Sanacija deformacije prouzrokovane klizištem na cesti za Gornje Pribitkoviće“ dodjeljuje ponuđaču „Tanović“ d.o.o. Banovići, sa sjedištem u Banovićima ulica Božička Banovića br.8, Ponuda broj 24-2017-I za ukupnu ponuđenu cijenu od 28.836,61 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci roba dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku do 10 dana računajući od dana kada je ponuđač obavješten o rezultatu postupka.

Član 3.

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o ž e n j e

Odlukom o pokretanju postupka javne nabavke radova broj: 01-05-1354/17 od 14.08.2017. godine donesenom od strane ovog organa pokrenut je postupak javne nabavke radova „Sanacija deformacije prouzrokovane klizištem na cesti za Gornje Pribitkoviće“.

Predmetna javna nabavka predviđena je u Planu javnih nabavki općine Banovići za 2017. godinu, broj 01-05-18/17 od 10. 01. 2017. godine, evidencijski broj: 148/17 .

Javna nabavka radova sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 30.000,00 KM.

Obavještenje o nabavci broj: 1220-7-3-113-3-44/17, i Ispravka obavještenja o nabavci broj: 1220-7-3-113-8-45/17 objavljeno je na Portalu javnih nabavki dana 15.08.2017.godine

Tenderska dokumentacija objavljena je na Portalu javnih nabavki <https://www.ejn.gov.ba> dana 15.08.2017. godine

Poziv za preuzimanje Tenderske dokumentacije u sistemu e-nabavki (istovremeno sa slanjem obavijesti na Portal javnih nabavki i objavom TD na portalu JN) upućen je slijedećim privrednim subjektima:

1. „GPP BANOVIĆI“ d.o.o. Banovići, sa sjedištem u Banovićima ulica Armije BiH broj 36.
2. "INTEREXT" d.o.o. Banovići, sa sjedištem u Banovićima, ulica Alije Izetbegovića broj 100.
3. „TANOVIĆ“ d.o.o. Banovići, sa sjedištem u Banovićima , ulica Božička Banovića broj8.

Komisija za javne nabavke imenovana rješenjem broj:01-05-805/17 od 27.04.2017. godine, ovom organu dostavila je dana 29.08.2017. godine Zapisnik o pregledu i ocjeni ponuda broj: 01-05-1354/17-3 od 29.08.2017. godine i Preporuku o izboru najpovoljnijeg ponuđača broj: 01-05-1354/17-4 od 29.08.2017.godine u postupku javne nabavke radova „Sanacija deformacije prouzrokovane klizištem na cesti za Gornje Pribitkoviće“ .

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda dvije (2) i to ponude ponuđača:

1. „Tanović“ d.o.o. Banovići, sa sjedištem u Banovićima ulica Božička Banovića broj 8.
(datum predaje ponude 25.08.2017. godine,vrijeme predaje ponude 10:45 h)
2. „Roading“ d.o.o. Gračanica, sa sjedištem u Gračanici ulica Sprečanski put bb
(datum predaje ponude 25.08.2017. godine,vrijeme predaje ponude 11:53 h)

- da su pristigle ponude blagovremene,

- da su ponude ocijenjene prihvatljivim.

Iz dostavljenog Zapisnika i Preporuke poizilazi da je ponuđač „ Roading“ d.o.o. Gračanica uputio pisanu obavijest 054-62/17 od 28.08.2017.godine u kojoj navodi da nisu dobro procijenili posao, te da su naknadnim uvidom u podnešenu ponudu za predmetne radove uvidjeli da za ponuđeni iznos nisu u mogućnosti realizovati predmetni projekat, te izražava svoju volju da se povuče iz daljeg postupka nabavke, tj. odustaje od podnesene ponude u ovom predmetu nabavke.

Dalje proizilazi da je Komisija za javnu nabavku ocijenila i prihvatila podneseni odustanak od Ponude kao bezuslovan i neopoziv, da nije bilo mjesta aktiviranju bilo koje vrste garancije za ozbiljnost ponude, predmetna ponuda je ocijenjena i rangirana prema odredbama zakona, podzakonskih akata i uslova tenderske dokumentacije (obzirom da je odustajanje od ponude objavljeno nakon isteka roka za dostavljanje ponuda)te obzirom da je ponuđač odustao od podnesene ponude, a da njegova ponuda nije jedina koja je u ovom predmetu nabavke

ocijenjena prihvatljivom Komisija je podneseni odustanak od ponude prihvatila, navedenog ponuđača isključila iz daljeg postupka i ugovornom organu preporučila izbor sljedećeg najbolje plasiranog ponuđača „Tanović" d.o.o. Banovići.

U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Svim ponuđačima
koji su učestvovali u postupku JN
- 1x U spis
- 1x a/a



OPĆINSKI NAČELNIK

Midhat Husić